

# The Oldest Regularly-Occurring Epicurean Seminar / Convention - Athens, Greece

Post by "Cassius" of August 23, 2021 at 6:25 PM

Book three for Don and all Latin scholars!

TITI LVCRETI CARI DE RERVN NATVRA LIBER TERTIVS

E tenebris tantis tam clarum extollere lumen  
qui primus potuisti inlustrans commoda vitae,  
te sequor, o Graiae gentis decus, inque tuis nunc  
ficta pedum pono pressis vestigia signis,  
non ita certandi cupidus quam propter amorem  
quod te imitari aveo; quid enim contendat hirundo  
cycnis, aut quid nam tremulis facere artibus haedi  
consimile in cursu possint et fortis equi vis?  
tu, pater, es rerum inventor, tu patria nobis  
suppeditas praecepta, tuisque ex, inclute, chartis,  
floriferis ut apes in saltibus omnia libant,  
omnia nos itidem depascimur aurea dicta,  
aurea, perpetua semper dignissima vita.  
nam simul ac ratio tua coepit vociferari  
naturam rerum divina mente coorta  
**diffugiunt animi terrores**, moenia mundi  
discedunt. totum video per inane geri res.  
apparet divum numen sedesque quietae,

quas neque concutiunt venti nec nubila nimbis  
aspergunt neque nix acri concreta pruina  
cana cadens violat semper[que] innubilus aether  
integit et large diffuso lumine ridet: